

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

Broj: T04 0 KT 0057337 24
Zenica, 22.08.2024. godine

OPĆINSKI SUD U ZENICI
sudija za prethodno saslušanje
ZENICA

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

1. **T.A.**, ., *osuđivan 2019. godine zbog krivičnog djela iz člana 358. stav 3. KZ FBiH,*
2. **T.M.**, ., *osuđivan 2023. godine zbog krivičnog djela iz člana 287. stav 1. KZ FBiH,*

Što su,

Dana 30.01.2024. godine oko 17,50 sati u Zenici u kampu Babino polje, Banlozi kod broja 45, bez ikakvog razloga zajedno fizički napali komšije, bračni par A. R. i Š. A. koji su u naručjima nosili svoju maloljetnu djecu Z. i M., na način da je najprije T. A. udario R. šakom u predjelu glave uslijed čega je R. ispustio bebu iz ruku, te mu je beba starosti dva mjeseca pala na tlo pored njega, nakon čega mu je i T. M. zadao udarac šakom u glavu, a potom zajedno A. i M. nastavili da mu zadaju udarce šakama i nogama u predjelu glave i tijela uslijed čega su ga oborili na tlo i nastavili da tuku, pa kada je R. supruga Š. A., držeći u naručju svoju maloljetnu kćerku starosti jedne godine, pokušala da stane ispred svog muža i zaštititi ga i njoj najprije A. zadao udarac nogom u predjelu glave uslijed kojeg je pala pored R., gdje su potom A. i M. zajedno nastavili zadavati udarce nogama i šakama i R. i A., sve vrijeme svjesni da na navedeni način nasiljem prema drugim ugrožavaju građanski mir, što su i htjeli, nakon čega su u jednom trenutku R. i A. uspjeli da se podignu i zajedno sa maloljetnom djecom pobjegnu do svoje barake,

Dakle, nasiljem prema drugom ugrozili građanski mir,

Čime su počinili krivično djelo nasilničko ponašanje iz člana 362. stav 1. KZ F BiH, u vezi sa članom 31. KZ F BiH.